



## Hysbysiad Prosesu Teg

### Canolfan Orffwys mewn Argyfwng, Gwasanaethau Amgylcheddol ac Amddiffyn y Cyhoedd

#### 1. Pam rydym yn casglu ac yn cadw eich gwybodaeth bersonol?

Rydym yn casglu ac yn defnyddio eich gwybodaeth bersonol fel y gallwn gofnodi pobl sydd wedi cael eu dadleoli oherwydd digwyddiad ac sy'n defnyddio canolfan orffwys. Mae'r Cyngor yn rheoli canolfannau gorffwys, a sefydlwyd er mwyn darparu llety a lloches dros dro mewn argyfwng pan na allwch ddychwelyd i'ch cartref neu'ch gweithle.

Rydym yn prosesu eich data am y rhesymau canlynol:

- Erthygl 6(1)(c) Rhwymedigaeth Gyfreithiol - mae prosesu yn angenrheidiol er mwyn cydymffurfio â rhwymedigaeth gyfreithiol y mae'r rheolydd yn ddarostyngedig iddi;
- Erthygl 6(1)(d) Buddiant allweddol i fywyd - mae'r prosesu yn angenrheidiol er mwyn amddiffyn bywyd rhywun;
- Erthygl 6(1)(e) Tasg er budd y cyhoedd - mae'r prosesu'n angenrheidiol er mwyn i chi gyflawni tasg er budd y cyhoedd neu ar gyfer eich swyddogaethau swyddogol, ac mae gan y dasg neu'r swyddogaeth sail glir yn y gyfraith.

Mae angen hefyd i'n gwasanaeth ddefnyddio data personol sensitif a elwir yn "ddata categori arbennig" y mae angen eu hamddiffyn yn well er mwyn sicrhau eu bod yn ddiogel. Gwybodaeth sy'n bersonol iawn i chi yw hon fel arfer, na fydddech am iddi fod yn hysbys iawn.

Byddwn yn cymryd gofal ychwanegol wrth drin y data hyn. Y rheswm cyfreithiol dros gasglu a defnyddio'r wybodaeth bersonol hon yw:

- Erthygl 9(2)(C) er mwyn diogelu buddiannau allweddol i fywyd y testun data
- Erthygl 9(2)(G) am resymau budd sylweddol i'r cyhoedd ar sail gyfreithiol

#### 2. Pa wybodaeth rydym yn ei phrosesu?

Mae'r data personol rydym yn eu casglu a'u prosesu yn dibynnu ar yr hyn rydym yn ei wneud. Cyfeiriwch at y wybodaeth isod. Defnyddir cofnodion papur i gofnodi manylion personol y bobl sy'n cael eu symud i Ganolfannau Gorffwys mewn Argyfwng y Cyngor fel a ganlyn:

- Enw
- Cyfeiriad Cartref
- Manylion cyswllt
- Dyddiad Geni
- Rhyw
- Anghenion Meddygol, Corfforol, Iechyd neu Ofal Cymdeithasol
- Manylion cyswllt y perthynas agosaf

Dim ond at y diben y'i casglwyd gennym y byddwn yn defnyddio eich gwybodaeth bersonol, a fydd yn cynnwys y rhesymau canlynol:

- Er mwyn eich cofrestru yn un o'n Canolfannau Gorffwys mewn Argyfwng
- Er mwyn ein galluogi i helpu i ddiwallu unrhyw anghenion a nodir o ran gofal a chymorth
- Er mwyn eich helpu i gysylltu â pherthnasau a ffrindiau ar ôl digwyddiad neu argyfwng
- Er mwyn cysylltu â chi a rhoi'r wybodaeth ddiweddaraf i chi ar ôl i'r argyfwng ddod i ben os byddwch wedi gadael y ganolfan

- Er mwyn nodi'r bobl sydd wedi eu cyfrif a phwy a all fod ar goll

Rydym yn cysylltu â staff y Cyngor a gwirfoddolwyr er mwyn casglu'r wybodaeth bersonol ganlynol er mwyn cefnogi'r gwaith o gynhyrchu a chynnal ymateb effeithiol mewn argyfwng:

- Enw, rhifau ffôn personol, cyfeiriad e-bost personol

### **Gwybodaeth Deiliaid Allwedd**

Rydym yn gwahodd deiliaid allwedd ein Canolfannau Gorffwys mewn Argyfwng dynodedig i roi'r wybodaeth ganlynol i ni:

- Enw
- Rhifau ffôn personol
- Cyfeiriad e-bost

fel y gallwn gysylltu â nhw os bydd angen symud pobl i leoliad diogel.

### **3. Sut y caiff gwybodaeth amdanoch chi ei defnyddio.**

Caiff y wybodaeth a ddarperir gennych ei phrosesu yn unol â Rheoliad Cyffredinol ar Ddiogelu Data 2016 a Deddf Argyfyngau Sifil 2004 ac Erthygl 8 o'r Confensiwn Ewropeaidd ar Hawliau Dynol.

Byddwn yn gwneud unrhyw ddatgeliadau sy'n ofynnol gan y gyfraith ac mae'n bosibl y byddwn hefyd yn rhannu'r wybodaeth hon â chyrrff eraill sy'n gyfrifol am archwilio/gweinyddu arian cyhoeddus er mwyn sicrhau y caiff arian ei dargedu a'i wario yn y ffordd fwyaf priodol a chosteffeithiol. Er mwyn cyflawni hyn, mae'n bosibl y caiff gwybodaeth ei rhannu ag adrannau mewnol eraill o fewn Cyngor Sir Penfro.

Mae'n bosibl y byddwn yn rhannu'r wybodaeth hon â Heddlu Dyfed Powys ac asiantaethau ategol eraill fel rhan o'r ymateb i'r argyfwng ac fel y gallwn eich cefnogi a gofalu amdanoch.

Ni fyddwn yn gwneud unrhyw ddatgeliadau i drydydd partion at ddibenion marchnata.

Bydd eich data bob amser yn ddiogel ac yn gyfrinachol a dim ond y wybodaeth bersonol sydd ei hangen i'ch cofrestru yn y ganolfan orffwys a darparu lloches a gwasanaethau i chi yn unol â'ch anghenion y byddwn yn ei chasglu.

### **4. Am ba hyd y byddwn yn cadw eich gwybodaeth?**

Byddwn yn cadw'r wybodaeth a ddarperir i ni am y cyfnodau canlynol:

Digwyddiad mawr - caiff ei chadw'n barhaol (caiff gwybodaeth ei hadolygu bob 15 mlynedd a gall gael ei rhoi dan ffugenw er mwyn dileu data personol).

Digwyddiadau bach – caiff gwybodaeth ei chadw am 7 mlynedd ar ôl i'r digwyddiad ddod i ben.

### **5. Mynediad at fy ngwybodaeth bersonol?**

Gallwch gael gwybod a oes gennym unrhyw wybodaeth bersonol amdanoch drwy gyflwyno cais am fynediad gan y testun o dan Reoliadau Deddf Diogelu Data Cyffredinol 2016. Er mwyn gwneud cais am unrhyw wybodaeth bersonol a allai fod gennym amdanoch, bydd angen i chi gyflwyno cais ysgrifenedig a'i anfon i'r cyfeiriad canlynol:

Y Tîm Mynediad at Gofnodion  
Cyngor Sir Penfro  
Neuadd y Sir  
Hwlfordd  
SA61 1TP

## 6. Eich Hawliau.

O dan Reoliadau Diogelu Data 2016, mae gennych hawliau fel unigolyn y gallwch eu harfer mewn perthynas â'r wybodaeth sydd gennym amdanoch.

- Yr hawl i **weld** y wybodaeth – mae gennych hawl i ofyn am gael gweld gwybodaeth sydd gennym amdanoch ac i gael copi ohoni.
- Yr hawl i **gywiro** – mae gennych hawl i ofyn i ni gywiro eich gwybodaeth.
- Mae'n bosibl y bydd yr hawl i **gyfyngu** ar brosesu yn gymwys – gallwch ofyn i ni roi'r gorau i brosesu eich data personol, ond gall hyn achosi oedi neu ein hatal rhag darparu gwasanaeth i chi. Byddwn yn ceisio cydymffurfio â'ch cais ond mae'n bosibl y bydd yn ofynnol i ni gadw neu brosesu gwybodaeth er mwyn cydymffurfio â'n dyletswyddau cyfreithiol.
- Yr hawl i **beidio â bod yn destun proses gwneud penderfyniadau awtomataidd a phroffilio**.

## 7. Cwynion neu Ymholiadau.

Mae Cyngor Sir Penfro yn ymdrechu i gyrraedd y safonau uchaf wrth gasglu a defnyddio gwybodaeth bersonol. Am y rheswm hwn, rydym yn cymryd unrhyw gwynion a gawn am hyn o ddifrif. Rydym yn annog pobl i ddwyn rhywbeth i'n sylw os ydynt yn credu bod y ffordd rydym yn casglu neu'n defnyddio gwybodaeth yn annheg, yn gamarweiniol neu'n amhriodol.

Nid yw'r hysbysiad preifatrwydd hwn yn rhoi manylion cynhwysfawr am bob agwedd ar ein proses o gasglu a defnyddio gwybodaeth bersonol. Fodd bynnag, rydym yn fodlon darparu unrhyw wybodaeth ychwanegol neu esboniad sydd ei angen. Dylai unrhyw geisiadau o'r fath gael eu hanfon i'r cyfeiriad isod:

Jo Hendy, Swyddog Diogelu Data  
Cyngor Sir Penfro  
Neuadd y Sir  
Hwlfordd  
SA61 1TP

E-bost: [dataprotection@pembrokeshire.gov.uk](mailto:dataprotection@pembrokeshire.gov.uk) Rhif ffôn: 01437 764551

Os hoffech wneud cwyn am y ffordd rydym wedi prosesu eich gwybodaeth bersonol, gallwch gysylltu â Swyddfa'r Comisiynydd Gwybodaeth fel y corff statudol sy'n goruchwyllo cyfraith diogelu data:

Information Commissioner's Office  
Wycliffe House  
Water Lane  
Wilmslow  
SK9 5AF

E-bost [caseworker@ico.org.uk](mailto:caseworker@ico.org.uk) Rhif ffôn: 0303 123 1113

## **8. Newidiadau i'r hysbysiad preifatrwydd hwn.**

Rydym yn adolygu ein hysbysiad preifatrwydd yn rheolaidd.